



15. marts 2011

Inatsisartut suleriaasianni § 37 naapertorlugu, Naalakkersuisunut apeqqut una saqqummiupparat:

Naalakkersuisunut apeqqiteqaat:

Naalakkersuisut Siulittaasuata, Naalakkersuisut paarlaatiternerinut peqqutaasoq malitsigisassaalu
Inatsisartunut nassuaatigissallugu siunniunnerlugu?
(Inatsisartuni ilaasortaasoq, Per Berthelsen, Siumut)

Tunngavilersuut:

Naalakkersuisut paarlaatiternerinut toqqaannartumik peqqutaasoq tassaasut Namminersorlutik
Oqartussat Air Icelandimik isumaqtigiiissuteqarnerat pillugu piffissami kingullermi oqallinneq
aalassassimanerlugu, Naalakkersuisut siulittaasuut oqartoq tusagassiuititigut atuarneqarsinnaavoq.

Demokratiimi nutaaliaasumi inatsisartunik aammalu isumaqtiginniniartarnermi tunngaviusunik
ataqqinniffiusumi ilimanarpoq, naalakkesuisut akisussaaffeqartut paassisagaat sapernagulu inatsis-
artutik saallugit nassuaaffigissallugit.

Naalakkersuisut nakkutigissallugit Inatsisartunut suliassaavoq pingarnerpaaq. Inatsisartut taama-
tut nakkutilliinerup ingerlannissaanut aalajangiisumik tunngaviusoq tassaavoq, Naalakkersuisut
qaammarsagaaneq tunngavigalugu politikkimik ingerlataminnik Inatsisartunut nassuaasinnaanis-
saminut piginnaaneqarnerat. Tamanna pingaartumik atutissaaq, politikkip ingerlanneqartup al-
lanngortinnera pippat aammalu Naalakkersuisut katitigaanerat il.il. allanngortinnejarpata.

Naalakkersuisut katitigaanerisa allanngortinneqarnerinut peqqutaasut Inatsisartuni ilaasortaasut
taamaallaat tusagassiuititigut atuarsinnaasimavaat, tassani Naalakkersuisooqatigiit ilaatigut oqaa-
tigalugu, aqutsinermik akisussaaffik namminneerlutik pimoorullugu.

Taamaattumik kissaatigaara, Naalakkersuisut paarlaatiternerinut peqqutaasoq tamassumalu malit-
sissai pilligit Naalakkersuisut siulittaasuata Inatsisartunut nassuaatiginissaat siunniussimaneraa
paassisallugu.